



ATA OFISIAL DI INKONTRU DI KUMITÊ SKULAR DI BOSTON

kuarta-fera, 30 di agostu di 2023

Kumitê skular di Boston fazi un riunion remotu kuarta-fera, 30 di agostu di 2023, 17 ora na Zoom. Pa opten mas informasons sobri kualker un di itens na lista la di baxu, vizita, www.bostonpublicschools.org/schoolcommittee, ô invia un email pa feedback@bostonpublicschools.org ô txoma pa skritóriu di Kumitê Skular di Boston na (617) 635-9014.

FREKUENSIA

Menbrus di kumitê skular Presentis: Prizidenti Jeri Robinson; Visi-Prizidenti Michael D. O'Neill; Dr. Stephen Alkins; Brandon Cardet-Hernandez; Chantal Lima Barbosa; Quoc Tran; y riprizentanti studantil Diego Meta.

Menbru di Kumitê Skular Auzenti: Rafaela Polanco Garcia

DUKUMENTUS APREZENTADUS

Ajenda

Ata di Riunion: 21 di junhu, 2023; y 26 di julhu, 2023

Relatóriu di advugada Natasha Tidwell

Tidwell PowerPoint

Gabineti di kapital umanu Inplementason di rekomendason di Tidwell

Memo: Atualizason di preparason di superintendenti pa volta a aulas, anu letivu di 2023- 2024

PowerPoint di volta pa aula, SY 2023-24

Subsídus pa apruvason na un total di \$5,842,243

Memo: Revizon di pulítika di admisons propuestas pa Madison Park Technical Vocational High School (MPTVHS)

Deklarason di inpaktu sobri ikuidadi di MPTVHS Pruposta di pulítika revistu

Runion virtual di kumité skular di Boston
Zoom

kuarta-fera, 30 di agostu di 2023

Prujetu di pulítika di admison di MPTVHS

PowerPoint di prupostas di pulítika revistu di MPTVHS

Avaliason sumativu di superintendenti, SY 2022-2023

PowerPoint di avaliason di superitendenti, 30 di agostu di 2023

Avaliason di dizenpenhu di superitendenti, SY 2022-2023 - Prizidenti Jeri Robinson

Avaliason di dizenpenhu di superitendenti, SY 2022-2023 -Visi-prezidenti Michael O'Neill

Avaliason di dizenpenhu di superitendenti, SY 2022-2023 - Dr. Stephen Alkins

Avaliason di dizenpenhu di superitendenti, SY 2022-2023 - Brandon Cardet-Hernandez

Avaliason di dizenpenhu di superitendenti, SY 2022-2023 - Diego Mehta

Avaliason di dizenpenhu di superitendenti, SY 2022-2023 - Rafaela Polanco Garcia

Avaliason di dizenpenhu di superintendenti SY 2022-2023 - Quoc Tran

Memo: Autoavaliason di superitendenti pa anu letivu di 2022-23

Autoavaliason di superitendenti Skipper SY 2022-2023

PowerPoint: Autoavaliason di Superitendenti Skipper SY 2022-2023

PIDIDU DI ORDÍ

Prizidenti Jeri Robinson konvoka un riuniaon y el lidera un juramentu di lieldadi A Sra. Sullivan Txoma psoal. Sra. Polanco Garcia ka staba prezenti Sr. O'Neill ka staba na xamada numinal, ma ê partisipa na seson izekutivu. Sr. Mehta ka staba na xamada numinal, ma ê bai pa runion ordináriu 18:00. Tudú kes otu menbrus staba prezenti

Sra. Robinson anunsia ki Kumité ta binha interonpeba seson izekutivu pa diskuti stratéjia relativu a relatóriu Tidwell na asuntu di litíjius pendentis ou amiasadus. Tem kel diskuson li na um runion abertu podia bem tem um efeitu prejudisial na puzison di litijiozu di Kumité. E fla ma kumité ta voltaba pa seson publiku pa 18hr.

Apruvadu - Pa volta di 17:05 Kumite vota ku unanimidadi, pa xamada nominal, adiamentu di seson izekutivu.

kuarta-fera, 30 di agostu di 2023

VOLTA PA SESON PÚBLIKU Y BONS VINDAS

Pur volta di 18h12, Kumité volta a seson públiku. Sra. Robinson anunsia ki Kumité tinha kabadu di volta di seson izekutivu pa diskuti stratéjia relativu a relatóriu Tidwell na asuntu di litíjius pendentis ou amiasadus. Tem kel diskuson li na um runion abertu podia bem tem um efeitu prejudisial na puzison di litijiozu di Kumité. E fla ma runion des noti staba ta ser transmitidu en diretu na Zoom. Ta ser ritransmitidu na TV di sidadi di Boston. També ta ser publikadu na bostonpublicschools.org/schoolcommittee e na YouTube. E anunsia ki staba dispunível servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunes, Mandarim, Arabi Língua Jestual Amerikanu (ASL); intérpretis ta apresenta es mesmu y es da instruson na se língua maternu sobri modi asedi interpretason simultaniu atraves di mudansa na kanal Zoom. Dukumentus traduzidus di reunion sta postadu na www.bostonpublicschools.org/schoolcommittee antis di inisio di riunion.

Sra. Robinson da boas vindas a novu menbru di Kumité Skular, Chantal Lima Barbosa, ki ta ben konpleta mandatu anterior ki era di Lorena Lopera, ki ta finda na 2024. Ms. Lima Barbosa nasi na Boston y foi kriadu na CaboVerde Na 2010, e volta pa Boston y ê frekuenta Jeremiah E. Burke High School, undi ê forma komu "valedictorian" na 2012. E tevi un lisenziatura na Siensias pulítikas na 2016 y un mestradu na Idukason superior y administrason na 2018 pa University of Massachusetts Amherst. Sra. Lima Barbosa antis trabadja komu ligason pa kumunidades di Dorchester y Cabo Verde na Gabinete di servisu di zona di sidadi. E foi un rekursu fundamental pa rezidentis ki preni navega pa servisu di sidadi duranti pandimia di COVID-19. E dizinpenha tanbe funsons di ligason na Konselhu Munisipal na Gabinete di relasons Intergubernamental. Atualmenti, ê diretora di rekrutamentu di Duet, un organizason sen fins lukrativus di formason di ensinu superior. Sra. Lima Barbosa foi inpusadu pa Prezidenti di Kamara , Michelle Wu, na 25 di agostu

APROVASOM DI ATA DI RIUNION

Aprovadu – na xamada numinal, kumité aprova pa unanimidadi ata di riunion di kumité skular di, 21 di junhu di 2023 y di 26 di julhu di 2023.

RILATÓRIU

Relatóriu di advugada Natashia Tidwell - Revizon di diterminasons di lisensa administrativu pagu y di rezultadus disiplinár: Diretoris di Gabinete sentral di BPS/Diretoris skular -

Advugada Natashia Tidwell, di firma di advugadus Mintz, analiza kalendáriu di revizon ki ifetua na nomi di Skolas publiku di Boston (BPS):

- 17 di agostu di 2022 -funsionáriu di BPS nutifika Supt na izirsisiu Echelson supt ki sa ben Skipper di priokupasons relasionadu ku aumentu repentinu di número di administradoris superioris di kor di BPS investigadus na lisensa administrativu pagu.

**Runion virtual di kumité skular di Boston
Zoom**

kuarta-fera, 30 di agostu di 2023

- Invistigador sternu identifikadu
- Outonu di 2022 - kompilason di dados
- Primavera di 2023 - intrevistas ku partis interesadus internus y sternus
- Veron di 2023 - finalizason y relatóriu di konkluzons

Anbitu di revizon Mintz

- Rezumu di kexa internu:
 - Duranti 10 mes anterior (2021-2022 SY), BPS invistiga y poi un número significativu di administradoris senior di kor (prinsipalmenti omis y mudjeris negrus) na lisensa administrativu pagu.
 - Pididu di kontratason di invistigadoris sternu pa identifika putensial padrons di parsialidad di implísitu ou diskriminason rasial.
- Períudu di revizon
 - Alargadu pa inklui SY 2019-2020; 2020- 2021; y 2021- 2022
- Puzisons en análizi
 - Líderis skular (pur izenplu, direktoris y ko-líderis skular)
 - Funsionáriu di direson di servisu sentral

Vizon jeral di prusesu di investigason y disiplinar di BPS

- Reklamasons ê normalmenti inkaminhadus pa Gabinete di Ikuidadi (“Equity”) ou pa Gabinete di relasons labural (“OLR”)
 - Equity: ta trata di alegasons di konduta diskriminatóriu y baziadu na prekonseitu, ben komu di asédu seksual ou konduta inpróriu paresidu
 - OLR: ta trata di tudu kes otu alegasons
- Si un invistigason preliminar sujiri ki konduta alegadu ta konstituiba un violason di pulítika di BPS, Distritu ta ben prusedi pa un invistigason.
 - Diterminason PAL ê fetu.
 - Ê imitidu un avizu di runion di inkéritu.
- Kritérius di diterminason di PAL:
 - (1) Priokupasons di seguransa
 - (2) padron di konportamentu ou risku pa integridadi di invistigason
 - (3) gravidadi di konportamentu

Dipendendu di natureza di alegasons, distritu podi skodji diriji invistigason internamenti ou kontrata un invistigador sternu.

- Si alegasons for substansiadus, distritu ta ben ditermina kal disiplina mestedu, si for kazu.
 - Mididas podi bai di un txoma atenson oral ti finda kontratu di trabadju.

kuarta-fera, 30 di agostu di 2023

- Si gravidadi di mau konduta, ta justifika suspenson ou resizon di kontratu, un audiensia ê mestedu.
- Ora ki gravidadi di mau konduta justifika resizon, distritu podi negosia un akordu di separason ku funksionáriu ou oferesi un opurtunidadadi di dispidi se kabesa en ves de ser dimitidu.

Rizumu di Rizultadus:

- En média, duranti períudu di análizi di trê anu, 246 funksionáriu di BPS foi identifikadus komu jestoris di Gabeti sentral ou Diretoris skular (pupulason-alvu). Di kes li, di akordu ku dadus dispunível, paku mas di metadi (53,6%) identifika komu algen di kor.
- BPS invistiga 37 menbrus di pupulason-avu duranti períudu en análizi.
 - 15 foi postu na PAL na pendensia di rezultadu di investigason (7 brankus y 8 ki ka ê branku);
 - 22 foi invistigadu ma KA podu na PAL (11 brankus y 11 ki ka ê branku)
- Na mumentu di kel revizon li 35 investigason dja staba konkluidu.
 - 8 investigason kaba na un konkluzon di "nau fundamentadu"
 - Un di kes investigasons li involvi un funksionáriu ki podu na PAL inkuantu sa ta sperada rezultadu.
 - Rezultadus disiplinár na kes otu 27 kazu varia entri formason kuretivu y dispidimentu.
- Ku bazi na número relativamenti baxu di trabadjadoris investigadus (37 na total) y na variedadi di mau konduta alegadu, Mintz ka konsigi txiga a un konkluzon fiável sobri si, y na ki midida, rasa foi tidu en konta na kes diterminasons PAL ou na rezultadus disiplinár.

Prinsipal observasons

- BPS ta uza kritérius informal, variadus y nau skritus pa diterminason di lisensa administrativu pagu.
- OLR poi mas funksionáriu di kor na PAL du ki Gabeti di ikuidadi, ma tanbe trata mas asuntus duranti perioudu di análizi (27 - 10).
- Tudu 5 investigason di OLR sobri alegadus violasons di pulítika di kontratus públikus ou otus iregulariedadis finanserus involvi POC.
- Inbora rezultadus tivesi variadu na BPS interu, Gabeti di ikuidadi tevi mas prubabilidadis di inpoi formason di rekuperason komu midida disiplinár.

Rikumendasons:

- Stabelesi, aplika y publika kritérius pa diterminason di PAL.
- Inklui na notifikason a trabadjador di diterminason di PAL fator(is) en ki baziadu pa ditermina ki PAL era adekuadu.
- Stabelesi un mekanismu di akonpanhamentu kuerenti di prusesu di investigason di kexas pa mau konduta di BPS (inkluindu IMs y diterminasons PAL).
- Stabelesi un protokolu pa auditorias periódikas di prusesus di investigason y disiplinár di BPS pa identifika y respondi tendensias y padrons putensialmenti problemátikus.

kuarta-fera, 30 di agostu di 2023

Advogada Tidwell fla ma relatóriu ta inklui dados sobri persentajen di pupulason-alvu ki ta identifika komu algen di kor na kada un di di dos anu letivu en análizi. Alén di keli, se ikipa ta ben aprezena un rezumu di inkéritus pur anu letivu pa kada un di anus letivus ki analiza

Diretora di Kapital Umanu, Francesse Canty, y Direktor di Relasons labural Jeremiah Hasson aprezena resposta di distritu a rekomendason di relatóriu.

Rekomendason di relatóriu: Stabelesi, aplika y publika kritérius pa diterminason di lisensas administrativus remuneradus

Planu di Ason di BPS

- Revizon di sirkular di Superintendenti relativu a Disiplinas di Funsionárius pa difini kalramenti Lisensa administrativu.
- Gabeti di relasons labural (OLR) ta ben nutifika sindikatus di BPS di mudansas y ta ben kunpri tudu obrigasens di negusiasens ora ki revizons stiver konklúidus.
- Gabeti di kapital umanu (OHC) ta ben distritbui sirkular revista a tudu funsionáriu.

Rekomendason di relatóriu: Stabelesi un mekanismu di akonpanhamentu kuerenti di invistigason di kexas pa mau konduta di BPS di Planu di ason di BPS

- Gabeti di kapital umanu (OHC) y Gabeti di relasons labural (OLR) sta ta reve atual sistema di akonpanhamentu pa intruduzi midjoras tátikas na nálizi y rekuperason di dados.
- OHC ta ben manda atualizasons regular a direktoris di skolas y a xefis di departamentu pa garanti ki tudu funsionárius ê kumunikadus y konpanhadus.

Rekomendason di relatóriu: Stabelesi un protokolu pa auditorias periódikas di prusesus disiplinaris di BPS pa identifika y respondi tendensias y padrons putensialmenti problemátikus Gabeti di Implimentason di Kapital Umanu:

- Gabeti di Kapital Umanu (OHC) y Gabeti di relasons labural (OLR) ta ben analiza dados relevantis kumunikadus dos bes pa anu pa identifika tendensias y iventusl árias di priokupason.

Sra. Robinson fla ma Kumité fazi un seson izekutivu na inísiu di noti pa diskuti relatóriu Tidwell na kuze ki ta rifiri a amiasas ou litíjius pendentis. Tem kel diskuson li en publiku podia ben tem um efeitu prejudisial na puzison litijiozu di Kumité. Pa kel razon li, Kumité ka ta ben fazi perguntas nes mumentu. Menbrus tevi oportunitadi di pois kestons y diskuti relatóriu na seson izekutivu. Relatóriu kompletu, nau iditadu, stá dispunível na [Pájina di Kumison](#).

RELATÓRIU Di SUPERINTENDENTI

Sima preparadu pa intrega.

kuarta-fera, 30 di agostu di 2023

Obrigadu, prezidenti Robinsons, y boa noiti. Nkre kumesa ta agradesi advogada Tidwell pa se aprezentason di es noti y pa se trabadju au longu di último anu. Inbora nta intendi ki kel invistigason li dura mas tenpu du ki nu tinha previstu na inísiu, era fundamental ki advogada Tidwell dispoi di un konjuntu di dadus izaustivu y izatu pa fazi se análizi. Rekolha di dadus sertus dura mas tenpu du ki previstu pamo nen senpri ka sta armazenadus na mesmu lugar. Keli ê un aspetu ki distritu dja kumesa ta midjora, pur isu, dili pa frenti, tudu dadus di invistigason y disiplinár podi ser fasilmeti rekulhidus pa análizi.

Tanbe era inpurtanti ki nu tivesi un advogadu sternu ta analiza nos dadus pa garanti ki invistigason en si stava livri di prekonseitus. Sima min afimra kandu invistigason foi kumesadu, si fosi ditetadu algun parsialidadi, nu ta binha tomaba mididas kuretivus imediatas. Advogada Tidwell ka konsigi konklui ki un número disproporsionadu di kuadrus superior di kor foi invistigadu ou postu na lisensa administrativu y ka konsigi konklui ki tivesi provas di parsialidadi na prusesu disiplinár. Advogada Tidwell identifika, nu intantu, árias na nos prusesu di funsionáriu ki ta justifika un otu análizi, inkluidu ráriu di funsionáriu diversifikadus y ka diversifikadus ki foi dispididu pa dizenpenhu y invistigadus pa violasons di nos pulítikas finanserus y di akizions duranti kel períudu li. Advogada Tidwell tanbe identifika árias pa distritu aumenta transparensi, garanti konsistensia y kumesa auto-audita parsialidadi, inkluidu rekomendasons pa 1) dizenvolvi un kritériu klaru skritu pa lisensa administrativu pagu; 2) midjora akonpanhamentu di dadus di asons di funsionáriu; y 3) fazi auto-auditorias periódikus pa deteta parsialidadi.

Komu superitendenti, n'ta leba kes rekomendasons li a sériu y mi y nhas adjunuts nu sta ta trabadja di pertu ku Gabinete di Kapital Umanu y Gabinete di relasons labural pa implimenta rapidamenti rekomendasons di advogada Tidwell.

Paralén di implimenta rekomendasons di advogadu Tidwell, Disitritu tanbe obi priokupasons ki ta parsi aprezentadus pa un grupu di antigus líderis negrus di BPS relativamenti a uzu di runions di invistigason. En resposta a kes priokupasons li, distritu ta ben

- 1) Midjora sistemas di akonpanhamentu di runions di invistigason;
- 2) Da tudu funsionáriu sujeitu a ason disiplinár un link pa Sirkular Disiplinar di BPS, pa kes podi kustuma ku prusesu disiplinár;
- 3) Nutifika kualker trabadjador ku funsons di xefia ki seja postu na lisensa administrativu di se direitu a konsulta un advogadu di trabadju antis di runion di invistigason;
- 4) Garanti ki invistigador ka seja tanbe auditor di audisons disiplinár.

Paralén di kes mididas li, komu distritu, nu ten di kontinua ta rekruta y manti un forsa di trabadju diversifikadu ki ta refleto diversidadi rasial, kultural y linguístiku di nos jovens. Nu debi ser vijilantis y intensial na muniturizason di dadus relativus a retenson di idukadoris, a rekrutamentu, a disciplina di funsionáriu y a dispidimentus pa avaliason di dizenpenhu di nos funsionáriu di kor. Min sta inpenhadu na garanti ma nu ten un distritu ki ta reprezenta alunus ki nu ta sirbi, ta garanti intrevistas a kualker kandidatu a profesor kualifikadu y diversifikadu ki kandidata a un vaga; y ta garanti pelu menus três intrevistas a kualker profesor pruvizoriu di kor ki resebi un karta di anu renuvason, ma ki resebi un klasifikason di avaliason di dizenpenhu prufisienti y kunpri kualifikasons mínimus pa funson; y ta invisti na novus vias di lisenziamentu. Pur último,

kuarta-fera, 30 di agostu di 2023

n'ta gostaba di rekunhesi ki disiplina di trabadjadoris, inkluidu resizon, ê senpri un midida di últimu rekursu y ê tomadu só dípos di un análizi kuidadozu di nos prinsípius di ikuidadi.

Komu instituison públiku, nu debi manti nos funksionáriu na mas altus padrons pa stabelesi y manti konfiansa di públiku. Si un funksionáriu tiver alegadamenti violadu kes normas li, responsabilidadi públiku ta iziji un invistigason y, na alguns kazus, un lisensa adminsitrativu duranti pendensia di invistigason. Inbora nen lisensa administrativu nen invistigason seja punitivus, nu sabi ma prusesu di invistigason ten un inpaktu na funksionáriu. Pa garanti ki dítérminason di lisensa administrativu ê konsistentis y fetus so ora ki nesesáriu, nu sta ta atualiza nos pulítika disiplinar pa difini kritérius pa kes dítérminason li. Sima n'fla antis, nu ta ben garanti ki tudu funksionáriu ki for postu na lisensa administrativu y/ou invistigadus resebi sirkular disiplinar y nutifikason di se direitu a un reprezentanti ou a un advogadu duranti prusesu. Inbora nos preferensia seja akonselha nos funksionáriu en ves di inpoi disiplina senpri ki pusível, ten sertus situason en ki gravidadi di konkluzon adversu sima danus a kriansas, aprupriason finanseru individu, konfliktus di interesi signifíkativus ou asons di natureza kriminozu, ta iziji ki distritu toma mididas disiplinar ki podi bai ti finda kontratu di trabadju. Pur últimu, kualker funksionáriu ki konsidera ter sidu objetu di diskriminason en rezultadu di prusesu disiplinar ou pa kualker otu mutivu, ten direitu di aprezena kexa djuntu di gabienti di ikuidadi di BPS, di Kumison pa igualdadi di oportunidadis di trabadju y di kumison di Massachusetts kontra diskriminason.

N'sta pesualmenti inpenhadu na kria un ambienti di trabadju en ku funksionáriu ta resebi formason adekuadu, manti padrons prufisional altu, seja responsabilizadu pa ses asons y podi trabadja y kria na un ambienti di trabadju sen prekonseitu y retaliason. Nkria tanbe salienta ki Kumité skular pidi un repartiason suplementar di anu letivu di 2021-2022 (10 mes antis ti data di karta), un bes ki kexa inisial ta pidiba spesifikamenti kel periudu di tenpu li. Mas un bes obrigadu advogada Tidwell pa tudu se trabadju. Nta ben pasa gosi pa restu di nha relatóriu di superitendenti.

Sima dja bu debi ter odjadu na meus di kumunikason susial, ten tidu munti insidentis ta involvi jovens y violensia na nos kumunidadi. Komu distritu, nu ta intendi ki nos jovens mesti di ser odjadju, oubidu y apoiadus. En resposta a kuze ki nu sa ta odja, nu sta ta fazi invistimentus komu distritu ki ta ben djudanu a respondi y a apoia kuze ki nu sta ta odja ku nos jovens. Nu sabi ma ten konsekuensia pa nasons, ma nu sabi tanbe ki ten adultus atensiozus y konfiantis ta trabadja na nos skolas tanbe podi fazi diferensa. Ê pur isu ki nu ten spesialistas na seguransa skular y di kordenadoris di ligason a kumunidadi ki ta djuda a konstrui relason auténtikus ku nos jovens pa djudas ku rekursus dentu y fora di skola. Nu ten spesialistas na justisa restauteivu ki ta ben djuda a konstrui un kultura y un klima di aseitason y amor. Ora ki ta kontisi algun kuza ki ta kauza danu ou ten konsekuensias, kes li ê alguen ki ta djuda a fitxa asuntu y djuda nos jovens y kumunidadi skular ta txiga un suluson. Keli ke prátika restaurativu.

Nunka ê ka dimas sublinha poder di konstrui relason forti ku nos alunus y inpurtansia di es sabi mes podi bai na un adultu di konfiansa ki ta ben djudas. Ê mestedu ki nos tudu nu trabadja djuntu pa djuda nos jovens. Nu sta ta konstrui kes sistemas li y struturas pa nu podi abrasa nos alunus y nos famílias. Na kumesa anu letivu, n'ta pidi a tudu alunus atensiozu di nos kumunidadi pa djudanu a garanti ki nos alunus ta ba skola. Nu mesti oia nos jovens na skola tudu dia y nu sta inpenhadus na trabadju ku nos famílias y alunus pa ilimina bareras ki ta inpidis di bai skola

**Runion virtual di kumité skular di Boston
Zoom**

kuarta-fera, 30 di agostu di 2023

regularmenti. N'ta gostaba di da infurmasons atualizadus sobri alguns trabadjus txeu speradus ki ta ben ser lansadus na outonu.

Na últimus dos anu, Divizon di operasons di BPS ten stadu ta trabadja na Avaliason di stadu di instalasons (FCA) pa djuda na nos mison jeral di repara, revitaliza y rimajina nos idifísius y spasus skular. FCA ta da un análizi aprofundadu di tudu ativus fízikus na tudu nos idifísius pa respondi a nesesidadi di infra-struturas krítikus. FCA ta da un "txerinh" di relatóriu ki ta informanu sobri stadu di nos idifísius nes mumentu, ma parti imusionanti di kel trabadju ê panel di kontrolu públiku ki ta ben ser atualizadu regularmenti a midida ki reparasons y renuvasons ba ta kontisi.

Gosi ki rekolha di dadus sta konkluídu, nu sta ta trabadja na painel di kontrolu públiku y nu ta spera partilhal publikamenti ainda na setenbru. Na prósimus semanas, nu ta ben infurma kumison y públiku ora ki painel di kontrolu stiver prontu pa ser partilhadu. Paralen di trabadju FCA, ikipas di planiamentu di kapital y di instalasons kontinua ta trabadja na studu di konsepsion di skolas, ki ta ben pruduzi três rezultadus:

En primeru lugar, spesifikasons idukativus, ki ê ilementus di bazi di ki kumunidadi skularis mesti. En segundu lugar, normas di konsepsions, ki ê ilementus mas téknikus sobri tipus di material, mubiliáriu, sistemas di konstruson y mididas di sustentabilidadadi ki nu ta ben uza na skoas novus ou renuvadus. En terseru lugar, un grelha di disizon. Keli ta ben orienta investimentu na instalasons pa apoia konkretizasondi spriensia studantil di altu kualidadi di BPS na distritu interu. Nos objetivu ê dizenvolvi un rubrika ki seja transparenti, baziadu na dadus y sentradu na kriason di midjoris oportunitadadis pa nos alunus.

Na prósimu runion di kumité skular, a 13 di setenbru, nu ta ben partilha un prujetu di forma modi ki nu sta ta fazi rubrika, ku bazi na riasons di kumunidadi ki nu obi na invernu y na primavera. Na setenbru y outubru, nu ta ben organiza un konjuntu di runion kumunitáris pa aperfeisua ainda mas rubrika. Primeru des ta ben ser un Kaza abertu na Bolling Building, 16 di setenbru di 10h00 ti 14h00. Dipos di kes runions li kumunitáris, nu ta ben pidi a kes orgons li pa vota na rubrika di tomada di disizons. Adoson di un pulítika klaru pa nos orgon di jeston ta ben ser un grandi pasu na sentidu di previzibilidadadi, di kuerensia y di aselerason di nos txeu nesesáris prujetus di instalason. Nu ten un grandi kuantidadi di trabadju pa frenti pa muda pegada fíziku di nos distritu pa apoia un spriensia studantil di altu kualidadi pa tudus jovens di Boston. Nu sta gratis pa nu ten konprumisu di nos parseus di sidadi pa apoia finanseramenti kel trabadju transformador li. Kel rubrikua di tomada di disizon li ta ben djudanu a toma disizons mas intilijentis y klarus, y ta ben djudanu a avansa mas rapidu - ku urjensia ki nos alunus meresi. Na prósimus mes, nu ta ben ten mutu mas infurmasons sobri kel trabadju inpulganti li.

N'kria tanbe partilha un brevi atualizason sobri pruposta di konstruson di un novu campus STEM pa O'Bryant na kompleksu idukativu di West Roxbury. Duranti veron, nu lansa O'Bryant & Boston Tech Alumni Steering Committee pa djuda a orienta planiamentu en volta di un prugramason alargadu, parserias y involvimentu di kumunidadi. Kel grupu li ta ben sirbi komu un meu di responsabilizason pa garanti ki kel prujetu li aproveita verdadeiramenti oportunitadadi di finalmenti kunpri prumesa a txeu dia adiadu di da O'Bryant se prórpiu campus y liga nos alunus a tudu oportunitadadis ki Boston ten pa oferesi.

**Runion virtual di kumité skular di Boston
Zoom**

kuarta-fera, 30 di agostu di 2023

Na julhu y agostu, nu ta ben organiza munti vizitas giadus a Konpleksu idukativu di West Roxbury pa antigus alunus y funksionárius di O'Bryant, y nu obi kumentárius y ideias pa vizualiza putensial di spasu renuvad. Na prósimu runion di Kumité skular, nu ta ben partilha nos planu inisial di transporti, fetu pa garanti ki alunus di tudu zonas podi kontinua ta partisipa plenamenti na kumunidade O'Bryant. Nu partilha tanbe respostas online a alguns perguntas frekuentis y un análizi di sítius alternativus y di ses limitasons. Kes li sta disponível na boston.gov/gnd-bps. Nu sta ansiozu pa un kaza abertu na WREC na final des outonu pa kontinua konversa ku alunus, famílias, funksionárius, antigus alunus y otus parserus di O'Bryant.

Antis di nu didika sobri preprason pa volta a aulas, n'ta gostaba di distaka alguns pontus puzitivus di kel veron li. Nu tevi un 5° trimestri maravilhuz en ki nu sirbi 9.573 alunus. Keli e mas du ki na anu pasadu, kuandu nu sirbi 7.089 alunus. Nos alunus konsigi uza Boston komu un sala di aula. Ker tenha konsentradu na atividadis STEM ou sujadu mons ku plantason di jardins, ta prendi sobri animal ou ta fazi filmis, nos Kintu trimestri fazi un exselenti trabadju, ta involvi nos alunus y ta ligas a nos sidadi.

BPS August Leadership Institute (ALI) fazedu na Madison Park Technical Vocational High School na inísiu di kel mes li. N'ta ama ALI, ê ora ki tudu líderes di nos skolas ta riuni pa plania anu siginti. Ê un oportunidade pa nu alinha nos trabadju y nu prendi un ku kelotu. Nu tevi munti oradoris maravilhozus, inkluidu: Mayor Michelle Wu, Prizidenti Jeri Robinson, Prezidenti BTU Jessica Tang y sekretáriu di idukason Dr. Patrick Tutweiler. Diretoris di nos skolas sta intuziasmados y prontus pa kumesa mas un anu letivu.

Pur fin, foi un prazer sta na Countdown to Kindergarten na Boston Children's Museum onti di noti. Keli ê senpri un iventu txeu divertidu, pamo nu ta oia alguns di nos alunus mas novus intuziasmados ku skola y pais radiantis di orgulhu. Nu badja, splora, distribui muxilas y guluzeimas y nu partilha infurmasons inpurtanti ku famílias sobri tudu formas modi ki BPS podi apoias y a ses alunus. Obrigadu pa Boston Children's Hospital, a Boston Children's Museum, pa Cradles to Crayons y pa Mayor's Office of Early Childhood pa ter organizadu un iventu txeu maravilhozu.

Dipos, nta gostaba di da nhos un brevi infurmasons atualizadu sobri nos preparason pa regresu a aulas. Nu partilha ku kumité skular un memorandu ki ta aborda kes temas li ku mas purmenor, man ta gostaba di fla alguns pontus-txabi na nha relatóriu. Na segunda-fera di noti, nu fazi nos runion kumunitáriu di volta a aulas na zoom - obrigadu prezidenti Robinson, Visi-prezidenti O'Neill y novu membru di kumison Lima Barbosa pa djunta a nos. Mas di 800 famílias staba ku nos pa sabi mas sobri kuze kes podi spera di inísiu di anu letivu. N'sta stremamenti orgulhozu di tudu trabadju ki ikipa fazi na último anu letivu pa poi BPS na un puzison di forsa pa prósimu anu letivu y paralen del.

Ta kumesa pa funksionáriu, nos kontratason foi forti es anu, ku 97% di nos profesoris kontratados ou na vias di ser. Nu ten 134 luugar di idukadoris ainda vagus, ma ikipa sta ta trabadja tudu dia pa selesionas y prienxes. Nos spesialistas na servisus di seguransa sta 100% kontratados na inísiu di anu letivu. Na anu pasadu, so metadi di kes lugar li foi prienxidos na inísiu y foi kontratados 522 trabadjadoris di setor alimentar, en konparason ku 443 ki nu kontrataba na kel altura li di anu pasadu. Kuantu a transportis, nu ten 675 munitoris di autokarus kontratados y mas di 57 na

kuarta-fera, 30 di agostu di 2023

prusesu di kontratasón, ki ta reprezenta kuazi mas 200 du ki na anu pasadu. Nos muturistas di autokaru sta totalmenti ikipadus, ku 743 muturistas ativus prontus pa aprezena, txeu diferenti di 665 muturistas ki nu tinha nan inísiu di aulas na anu pasadu. Ten inda un bokadinho di lugaris pa prienxi, ma nu sta na un puzison txeu diferenti pa kumesa es anu du ki na anu pasadu. Un grandi obrigadu a ikipa di kapital umanu ki ten trabadju longus dias y ti fins di semana pa prusesa tudu novus kontratasóns.

Nos ikipa di transportis tanbe sta prontu pa apoia famílias ku un ikipa di mas di 25 reprezentantis multilingis di servisu di apoiu a klienti pa kualker família ki mesti di ajuda ku transporti. Famílias y alunus tanbe podi sigi se otokaru ku aplikason “where is my school bus app.” Kel anu li, nu aumenta tanbe numeru di kuzinhas totalmenti operacional pa 86 skolas - tudu prontus a sirbi kumida kenti fetu di rais, ku mas 20 kuzinhas skular ta entra en funsionamentu ti nuvenbru y nu ta ben da kumida Halal y Kosher na kel novu anu letivu li. Kel veron li, nos idifísius foi linpadu y resebi alguns atualizasons ki ta ben fazi un grandi diferenza, sima pintura novu y pizus pulidus brilhantis, alguns obra y parkis infantil y alguns resebi renuvasóns kompletus di kazas di banhu. Na anu pasadu, nu kumesa anuletivu ku 20 skolas ki resebi 916 unidades di ar kondisionadu. Kel anulí, nu ten 78 skolas ku mas di 3.800 unidades.

Inbora dja nu perkori un kaminhu grandi au lonu di ultimus anu, nu sa kontinua ta trabadja di pertu ku Kumison di Saúdi Publiku di Boston, ki konsedjanu sobri nos protokolus COVID pa es anu. Protokolus ê mesmu di kel veron li, ma diferenti di anu letivu pasadu. Nu ka sa ben distribui textis kinzenal nen fazi textis sintomátikus na skolas, ma nu ten textis prontus pa kazu di nu mestes. Tudu skolas ten maskaras di tamanhu infantil y di tamanhu adultu pa kenha ki mesti. Anu pasadu, nu vasina mas di 5000 menbrus di kumunidade di BPS kontra gripi y COVID, y nu sta ta trabadja ku nos parserus di saúdi pa da mas klinikas es anu. Pa pruteji tudu algen di COVID y di munti otus duensas y virus, nu ta pidi kes algen li pa fika na kaza ses stiver duenti y kes laba mon dretu. Paralen di tudu trabadju operacional mestedu pa prepara skolas, nos ikipa akadémiku ten trabadjadu arduamenti pa alinha nos trabadju na tudu skolas, ku spesial distaki pa Instruson sólidu, kriason di ambientis akulhedor y di apoiu, involvimentu di alunus pa reforsa ses prezensa y spanson di oportunidades di idukason inkluzivu pa nos alunus multilingi y alunus ku difisiensia na distritu interu.

Nu da boas vinda tanbe a munti novus menbrus di ikipa ki ta ben lidera nos trabadju di idukason inkluzivu

Lideransa di Gabeti di Servisus spesializadus

- Xefi di servisu spesializadus Kay Seale
- Sub-xefi di servisus y apoiu Olga Garriga
- Sub xefi di prugramason spesializadu Lauren Viviani

Nkre agradezi Lauren pa ter sidu nos superitendenti adjuntu interinu pa idukason spesial duranti último anu.

Direson di gabeti di idukason multilingi y multikultural

- Sub-xefi di apoiu instrusional Carolina Armstrong
- Sub-xefi di operasons y responsabilizason Brittany Baggett

kuarta-fera, 30 di agostu di 2023

Alen di novu funsionáriu ki ta lidera trabadju na duminiu di idukason inkluzivu, n 'kre tanbe da boas vindas a Francesse Canty, ki ê nos novu diretora di Kapital Umanu, y Magaly Sanchez, nos novu diretora di prumuson di família. Ten kel ikipa li na inísiu di novu anu ta da kapasidadi txeu mestedu pa implimenta trabadju ki nu ten pa frenti. N'sta txeu kontenti pa ten es na ikipa!

Pur último, si famílias ainda tiver dúvidas antis di iníu di aulas, ali tudu lugaris undi podi badu pa ten mas infurmasons ou apoiu. N'ka poia staba mas intuziasmadu pa kumesa kel anu letivu li. Ten senpri ajustis a fazi na primerus semanas, un bes ki ê mestedu tenpu pa kustuma a novas rutinas, ma ten funsionáriu y sistemas pa jiris. N'sabi ma ta ben ser un grandi anu!

Pur último, nkria daba boas vindas a Chantal Lima Barbosa, ki toma posi semana pasadu. Min sta ansioza pa trabadja ku bo. N'sta txeu orgulhoza pa ten otu ex-alunu di BPS na Kumité skular di adoradu Burke High School, ki sta ta torsi pa bo. Asin ta konklui nha relatóriu.

Superintendenti konfirma Sra. Robinson ki tudu puzisons di lideransa krítikus di distritu sta gosi prienxidus, ta akresenta me sta orgulhoza di kualidadi di se ikipa. Sra. Robinson pergunta sobri inpaktu di aprendizajen na 5º trimestri. Superintendenti fla ma ê ta ben apresenta un relatóriu kompletu sobri aprendizajen na 5º trimestri na un futuru prósimu, ora ki tiver mas dadus. Ê papia ku intuziasmu sobri munti oportunidadis dispunível pa alunus y parserias ki foi konstruidus. E fla ma ê mestedu mas prugramason pa jovens entri 12 y 14 anu. Sra. Robinson parabeniza Sr. Mehta pa se atuason muzikal ku Boston Music Project na BPS August Leadership Institute.

Sr. Cardet-Hernandez pidi um atualizason di planiamentu di inkluzon. Linda Chen, superintendenti adjuntu sénior di departamentu akadémiku, afirma ma, es anu, tudu skolas ta ben ten un ikipa di planiamentu di inkluzon. Na prosimu anu, tudu skolas ku graus K0, K1, K2, 7º y 9º anu ta ben oferesi idukason inkluzivu. Sr. Cardet-Hernandez pergunta sobri inskrisons. Superintendenti fla ma sta inskritus un bokadinhú mas ki 50 000 alunus pa SY23-24, ta alerta fatu di númeru podi muda dipos di alguns alunus ka ben na primerus dias di aulas. Kumisáriu refiri ki ê rejista un aumentu di númeru di alunus multilingis y di alunus ku difisiensia. Sr. Cardet-Hernandez pergunta kal ke kalendáriu pa planu diretor di intalasons di distritu. Superintendenti fla ma sa speradu ma planu seja publikadu ti final di kel anu sivil li. Ê pergunta tanbe sobri avaliason di kondisons di instalasons (FCA). Sub-xefi di operasons, Teresa Neff-Webster, fla ma FCA ta konsisti na dos relatórius y na un painel di kontrolu públiku ki ta ben ser lansadu na outonu. Ê diskrebi FCA komu un feramenta ki ikipa di instalasons ta ben uza pa kria un planu di infra-structuras y ki ta ben apoia ikipa di planiamentu di kapital na kriason di un planu di instalasons a longu prazu. Sr. Cardet-Hernandez pergunta kuandu ki famílias ta ben ser nutifikadus si se fidju ka tiver un profesor sertifikadu y kal ki ta bens er ses opsons. Superintendenti fla ma se ikipa sta ta riuni kel informason li y afirma ki ta ben da Kumité infurmason y un planu.

Dr. Alkins pidi dadus sobri novus kontratasons di profesorís na asuntu di sertifikason di ingles komu segundu língua (ESL). Superintendenti konkorda na pidi se ikipa pa akonpanha infurmason.

kuarta-fera, 30 di agostu di 2023

Dr. Alkins pergunta sobri rezultadus di BPS August Leadership Institute y sobri sentimentus en relason a novu anu letivu. Superitendenti fla ma, es anu, ALI inklui ikipas di lideransa di profesor, ben komu líderes skular ki didika fundamentu sobri análizi di dadus, ta akresenta ki tevi txeu involvimentu y puzitividadi. Dr. Alkins pidi un atualizason sobri spesialistas na seguransa y funsióariu formadu na prátikas di justisa restaurativu y infurmadus sobri trauma. Xefi di seguransa, Neva Coakley, fla ma mas di 100 algen kandidata a lugaris di spesialista na seguransa, kontra 78. Ê fla ma foi prienxidu 19 pontus di ligason a kumunidadi, lideradus pa un novu adjuntu. Tudus puzisons di seguransa ê formadus na formason di diziskalonadu y prátikas informadus sobri trauma. Sr. O'Neill pergunta sobri preparativus pa transportis. Direktor di transportis, Dan Rosengard, fla ma konkursus pa muturistas y munitoris foi fetu ku susesu na semana pasadu. Kondutoris sta ta fazi trenus y ta ben sforsa pa kunpri oráriu. Ê rekunhesi ma podi ten alguns mudansas di itineráriu a midida ki ba ta ser akresentadus ou mudadus trabadjus di alunas. Sr. O'Neill pergunta sobri servisu di transporti pa atividadis disportivus y vizitas di studu, ben komu sobri preparativus pa putensial inpaktu di enseramentus programadus di Linha vermelhu di MBTA. Sr. Rosengard fla ma se ikipa sta ta riuni ku MBTA y funsióariu munisipal pa reduzi inpaktu di inseramentu di Linha vermelhu. BPS Transportation sta ta trabadja di pertu ku departamentu di disportu pa prugrama iventus y maksimiza kapasidadi. Sr. O'Neill pidi un atualizason sobri preparason di refeisons fresku. Superitendenti fla ma Diretora di servisu di alimentason y nutrison, Analise Tanner, sta ta spandi ofertas di distritu di kumidas fetu di rais y a ilumina pur fazi kumida inbaladu. Servisu di alimentason y nutrison di BPS sta ta trabadja ku falantis nau nativus di inglês pa kandidata y garanti trabadju. Superitendenti oferese pa aprezena un relatóriu kompletu sobri Servisu di alimentason y nutrison na un prósimu runion.

Aprovadu - na xamada nominal, Kumité unanimamenti aprova Rilatóriu di Superitendenti.

KUMENTÁRIU DI PUBLIKU EN JERAL

Kim Emery, moradora di West Roxbury y mai di Boston Latin Academy, tistimunha sobri alunas ku difisiensiy parserias autentikus ku famílias.

Edith Bazile, rizidenti na Hyde Park y prestadora di kuidadus, tistimunha sobri relatóriu Tidwell y igualdadi rasial.

Ruby Reyes, moradora di Dorchester y diretora di Boston Education Justice Alliance (BEJA), tistimunha sobri avaliason di dizenpenhu di superitendenti.

Michael Heichman, rezidenti na Dorchester y menbru di BEJA, tistimunha sobri ikuidadi rasial.

John Mudd, morador y difensor di Cambridge, ê tistimunha sobri avaliason di dizenpenhu di superitendenti y planu di inkluzon di distritu.

Lisa Guisbond, moradora na Brookline y diretora izekutivu di Citizens pa Skolas publiku di Boston, tistimunha sobri relatóriu Tidwell.

kuarta-fera, 30 di agostu di 2023

Sharon Hinton, rizidenti y difensora di Hyde Park tistimunha sobri un variedadi di keston s idukasional.

Deirdre Manning, moradora na Dorchester y ex-pai di Henderson, tistimunha sobri pulítika di admison a skolas di izami di BPS.

Khymani James, moradora na Dorchester y antigu alunu di BPS, tistimunha sobri pulítikas y prusedimentus di prezensa di Boston Latin Academy.

PONTUS DI ASON

Aprovadu - na xamada numinal, Kumité aprova pa unanimidadi pagamentu di kotas di menbru di Konsehu di skolas di grandi sidadis pa anu letivu di 2023-24, na valor di \$46,746.

Dr. Alkins fla ma pakoti di subsídus ta inkluibu tudu novus subsídus y fla ma ta spera ku spektativa relatóriu sobri rezultadus di subsídus. Ê pidi un aprezentason futuru di subsídus sentradu na prugresus y dizafius. Ê pergunta modi ki ta ben ser mididu objetivu di aumenta partisipason di famílias na anbitu di subsídus pa planiamentu di imerjensias. Superitendenti fla ma futurus aprezentasons ta ben ser strukturadus di manera a integra dadus relativus a subsídus na dumíniu apropiadu.

Diretora di subsídus y fundus sternus, Yvonne Macrea fla ma relatóriu sobri rezultadus di subsídus ta ben ser publikadu ti final des anu sivil.

Aprovadu - Na xamada numinal, kumité aprova pur unanimidadi subsidus na valor di \$5,842,243.

RELATORIUS

Prupostas di revizon di pulítika di admison di Madison Park Technical Vocational High School - Dr. Lindsa McIntyre, Visi-xefi di skolas y responsabilidadi, y Robin Lee, Superitendenti skular di rejion 9, aprezena un konjuntu di revizons a pulítika di admison orijinal ki foi aprezentadu pa primeru bes a Kumité na 24 di maiu. En resposta a riasons di Kumité sobri pusibilidadadi di izisti bareras nau itensional, ikipa di admisons sinplifika prusesu di admison, ta substitui rekizitu di un artefaktu y dos kartas di apoiu pa un so "Deklarason di interesi" (SOI) ta ilimina si nesesidadi ddi kartas di referensia y ta oferesi un apoiu mas sólidu a alunus ki ta kandidata. Pruposta revistu inda sa kontinua ta kunpri objetivus di kunpri regulamentus statal en vigor ki ta iziji ki tudu skolas di Idukason Tékniku prufisional (CVTE) ten un pulítika di admison y di garanti ki tudu alunus toma un disizon informadu y es kre prusigi CVTE.

Sra. Lima Barbosa ilujia ikipa pa oferesi kandidatus munti métudus pa kumunika se deklarason di interesi (pur izenpçi, pur skritu, vídiu, aprezentason di powerpoint ou intrevista). Ê papia di se spriensia pesual komu antigu alunu di liseu di BPS y manifesta se apoiu a putensial di pruposta

kuarta-fera, 30 di agostu di 2023

pa djuda alunus y famílias a toma disizon mas informadus. Ê pergunta sobri prusesu di involvimentu di kumunidade pa mudansas di admison prupostus. Superitendenti fla ma BPS ta ben sensibiliza alunus di liseu pa idukason profisional y oferesi vizitas a campu, un bes ki ta plania spandi skola pa turmas 7°-12°. Sra. Lima Barbosa pergunta sobri kontaktu ku famílias imigrantis. Superitendenti fla ma sentrus di boas-vindas di BPS ta da famílias informasons sobri opsons skuarl. Diretor di CVTE, Perino Watson, fla ma se ikipa ta viaja pa distritu interu pa partilha informasons sobri opsons di CVTE y oferesi vizitas a prugramas profisional.

Sr. Cardet-Hernandez pergunta si alunus ta ben kontinua a ser postu administrativamenti na Madison Park. Superitendenti fla ma el y se ikipa sta ta izamina atribuisons administrativus na distritu interu y a konsidera alternativus ki podi ser implementadus di akordu ku pulítika distrital. Sr. Cardet-Hernandez pergunta si distritu sta ta fazi un análizi di implikasons di matrículas pa Madison Park en relason a spanson prupsotu. Superitendenti fla ma prujesons di matrículas ta ben sta ligadus a prugramas oferesidus na skolas. Sr. Cardet-Hernandez inkuraja ikipa a refliti sobri potensial implikasons orsamental y konsekuensias nau intensional. Superitendenti fla ma atualizason di pulítika di matrikulas di skola ta ben ser primeru pasu, sigindu di fazi di konsepson.

Sr. O'Neill agradezi distritu pa ter revistu substansialmenti pruposta di pulítika ku bazi na kumentárius di Kumité Skular.

Sra. Robinson inkuraja BPS a da alunus oportunidadi di vizita Madison Park y prendi mas sobri oportunidadis téknikus vukasional di distritu.

Sta previstu pa 13 di setenbru vutason di pruposta di pulítika di admison di Madison Park Technical Vocational High School.

Avaliason sumativu di dizenpenhu di superitendenti SY22-23 - Sra. Robinson da infurmasons bázikus sobri avaliason di superitendenti, ki ê un di prinsipal responsabilidatis di kumité skular. Superitendenti Skipper apresenta se autoavaliason a kumité na un runion extraordináriu fetu na 26 di julhu. Menbrus di kumité kompleta nton ses avaliasons individual, tendu Dr. Alkins y Sr. O'Neill konpiladu un avaliason sumativu. Sra. Robinson oia ma superitendenti Skkipper sta na distritu dja ten 11 mes y foi txeu onestu ku nos des di ínisiu na tudu trabadju ki distritu mesti pa volta a kaminhu sertu y ki kel trabadju li ka ta binha akontisiba di noti pa dia y ka podeba ser fetu pa un algen so. Ê insentiva menbrus di kumité, menbrus di ikipa di lideransa di superitendenti, menbrus di públiku y ativistas di kumunidade a fazi se própriu auto-refleson, un bes ki tudu ta dizenpenhu un papel na susesu ou na frakasu di distritu. Ê agradezi superitendenti se trabadju duru y se didikason a servisu di alunus y di famílias di Boston.

Dr. Alkins apresenta un rezumu y rezultadus di prusesu di avaliason di Superitendenti pa anu letivu di 2022-23.

Etapas di avaliason

- Objetivus akordadus
- Autoavaliason pa superitendenti
- Avaliasons individual di menbrus

kuarta-fera, 30 di agostu di 2023

PADRON II: Jeston y Operasons

Klasifikason konpostu: Prufisienti (Pontuason médiu: 3.71/5)

Temas di feedback:

- Novu mudelu di lideransa organizasional y mudelu rejional propursiona mas apoiu y responsabilizason
- Midjorias na matéria di funksionárius, seguransa y akordus labural
- Avaliasion di kondison di instalasons ta ben ser un oportunidadi pa mostra un novu inpenhu na midjora di prusesus.
- Foku na kulaburason kruzadu y na akonpanhamentu di prugresus

PADRON III: Involvementu Familiar y Kumunitáriu

Klasifikason konpostu: Prufisienti (Pontuason médiu: 3.57/5)

Temas di feedback

- Ilujius a BPS Helpline y a Strengthening School Site Councils
- Oportunidadis perdidas pa un involmentu autêntiku (en volta di komunikason, di prazus, di fuzons di skolas, di tomada di disizons, di puder y di autoridadi)
 - Forti apoiu a konpromisu di fazi kon ki BPS pasa di un lugar di involmentu di família y di kumunidadi pa un involmentu autentiku
- Garanti ikuidadi komu un linha di ason; aprofunda abordajen di servisu a klienti y midi kontinuamenti inpaktu /satisfason

PADRON IV: Kultura Prufisiunal

Klasifikason konpostu: Prufisienti (Pontuason médiu: 3.71/5)

Temas di feedback:

- Forti inpenhu na profisiensi kultural, padrons altus y aprendizajen kontinu (inpenhadu ku apoiu através di dizenvolvimentu prufisional)
- Ilujius a stabilizason du núkliu prinsipal
- Kontinua ta konstrui relasons y ta midi inpaktu
- Avaliasion di tudu mudansas, se ifikásia y responsabilidaadi debi ser postu na primeru planu

Klasifikason jeral final: Proficienti

Planu di dizenvolvimentu di trabadjadoris

kuarta-fera, 30 di agostu di 2023

- Árias di forsa
 - Toma mididas pa intendi en profundidadi dizafius infrentadus pa distritu através di relatórius sternus y trabadja na munti árias pa fazi mudansas
 - Dizenvoli um redi rejional y kria sistemas di midjora un variedadi di árias, inkluindu kuríkulu y idukason (ku mas purmenor), relasons labural, infra-struturas di transporti, etc.
 - Kria un kultura di spektativuas altus, artikula kalramenti valoris y sforsa pa obten un midjora kontínu, sendu au mesmu tenpu kulturalmenti riativu y inkluzivu.

- Árias di kresimentu kontínu
 - Pasa di un luguar di involvimentu di famíliya y di kumunidadi pa un involvimentu autentiku di famíliya y di kumunidadi
 - Kontinua ta dizenvolvi adezon di tudu fungsionáriu a un mison partilhadu y a un konpromisu ku padrons altus, ku objetivu kumun di midjora rezultadus di alunus y ilimina lakunas, ta uza avaliasion di dadus pa midi inpaktu y ta prumovi un mentalidadi di servisu a klienti (pur izenplu, nomia splisitamenti prekonseitus sistémikus ki ta kontribui pa dizafius, atxa novus forma di avaliasion pa mas vulnerável)
 - Dizenvolvi un planu diretor kuerenti ki seja justu, ikitativu y konpriensível, spesialmenti pa kumunidades afetadus

Sta previstu pa kumité vota klasifikason final di dizenpenhu di superintendenti pa SY 2022-23 na 13 di setenbru. Na kel outonu li, kumité y superitendenti ta ben ko-konstrui objetivus di superintendenti pa SY 2023-24.

Sr. O'Neill observa ki Sr. Mehta partisipa na prusesu di avaliasion, ma Sra. Lima Barbosa nau, un bes ki ainda ka tinha sidu nomiadu pa kumité na mumentu di avaliasion. Ê agradezi superitendenti se trabadju, se autoavaliason nponderadu y se asesibilidadi. E fla ma avaliasion individual di menrbus y avaliasion sumativu sta dispunível na [site di kumité](#)

Kumité debati si temas ki parsi relasionadus ku objetivus di superintendenti pa prósimu anu letivu ê objetivus sertus. Sr. Cardet-Hernandez inkuraja kumité a toma disizon baziadus na dadus ki sta streitamenti alinhadus ku disizons pulítikas y difinison di objetivus. Ê sujiri pa akresenta un linguajen mas spesífiku sobri rezultadus di alunus y un métrika klaru pa midi prugresu. E fla ma objetivu relasionadu ku planu diretor di instalason debi garanti ki planu ta alinha ku inskrisons ki ta izisti y futuris y aumenta opsons di altu kualidadi na distritu interu. Dr. Alkins konorda ki ta ben ser nesésáriu ser mas spesífiku na linguajen di objetivus. Sr. O'Neill fla ma objetivus pa anu letivu di SY23-24 ta ben ser objetivus SMART. Ê sujiri ki kumité diskutisi objetivus na maior detalhi na se prósimu retiru na outubru. Dr. Alkins sujiri ki Kumité konsiderasi otus dadus paralén di rezultadus di avaliasions MAP. Sra. Robinson fla ma ki, na kualidadi di prezidenti di kumison, fala diariamenti ku superitendenti y ten un perspétivu úniku di trabadju di superitendenti. Superitendenti agradezi kumité ses riasons, ta agradezi ki el y se ikipa sta inpenhadus na midjoria kontínu.

kuarta-fera, 30 di agostu di 2023

Sr. O'Neill observa ki kontratu di trabadju di superitendenti ta stipula ki, si superitendenti for klasifikadu komu ifisientiou izenplar es anu, ê ta ben ser ilijível pa un aumentu di saláriu di 2.5%. Ê ta stipula tanbe ki, dipos di 1 di janeru di 2024, prezidenti y superitendenti debi entra negusiasons di boa fé sobri saláriu y putensial aumentus salarial pa anus trê y kuartu di se trabadju y resebi un studu di merkadu sobri salárius di superitendentis, ki prezidenti pidi ki fosi diskriminadus pa distritus di dimenson paresidu na munti rejions.

KUMENTÁRIU PUBLIKU SOBRI RELATORIUS

Kim Emery, moradora na West Roxbury y pai di BPS, tistimunha sobri kotas di Konselhu di grandis skolas munisipal y avaliason di dizenpenhu di superintendenti.

Michael Heichman, moradora na Dorchester, menbru di Boston Education Justice Alliance, tistimunha sobri relatóriu Tidwell y avaliason di dizenpenhu di superitendenti.

NOVU NEGOSIU

Sr. Cardet-Hernandez sujiri ki Kumité reve pulítika distrital di admison a skolas di izami spesífiku pa pontus di bónus. Ê pidi tanbe dadus atualizadus sobri atribuison di tarefas administrativus y infurmasons sobri planus di distritu pa reduzi númeru di alunus ki ê atribuidus administrativamenti.

ADIAMENTU

Sra. Robinson anunsia ki apartir di kuarta-fera, 13 di setenbru, kumité skular ta ben fazi runions íbridus prezensial 18:00 na Bolling Building na Nubian Square, Roxbury, y transmitidu au vivu na Boston City TV y na Zoom. Kumité ta ben kontinua ta da dos perídu di kumentáriu publiku, ku primeru perídu di kumentárius limitadu a un ora. Ta ben ser dadu prioridadi a algen ki ta tistimunha pesualmenti. Si tenpu dexa, kumison ta ben abri debati a tistimunhas virtual. Dipos di un ora, tudu kes ki ka tiver oportunidadi di tistimunha ta ben ten oportunidadi di fazel na final di runion. Tistimunhus skritus ê ben-vindus. Kumité ta ben kontinua ta avalia ses prusesus y prusedi a ajustamentus mestadu.

Apruvadu- Pa volta di 10:07 pm Kumité vota ku unanimidadi, pa xamada nominal adiamentu di runion.

Atestadu:



Elizabeth Sullivan
Sikretária Izekutiva